

黎不用懈倦如是比像歸命諸佛不可計劫
 開化衆生奉持法教班宣經道誘進羣黎使
 發無上正真道心復次佛子當知菩薩菩薩
 展轉相成誠禁訓誨而奉道行清淨之法開
 化隨律菩薩平等從其所生志慕菩薩諸惣
 持門常觀諸佛無極大聖求諸法師恭敬稽
 首諸受諷誦未嘗懈廢攝護衆生所學究竟
 爲諸羣黎班宣經道化無限衆發於無上正
 真之道立不退轉淨諸佛法心念普智諸通
 慧義修諸佛法於無數劫衆行備悉是爲菩
 薩十事如海成最正覺

度世品經卷第二

遊二

園囿表有二字無牆據反
 憂也下於急調戲音掉音
 反亦憂也同打擲音打下
 賄罪下呼反抱在反持也
 純淑下音財

度世品經卷第三

西晉三藏法師竺法護初譯

普智菩薩復問普賢菩薩所作如夜顯
 明何謂其心猶若金剛志大乘鎧何謂大乘
 何謂能暢於大勤修何謂信不可壞何謂受
 決何謂勸德本何謂入聖何謂發其心內廣
 大無量何謂菩薩藏何謂將護何謂自在何
 謂感動何謂衆變何謂嚴淨國土何謂經法
 隨時何謂身變何謂願變何謂化變何謂慧
 變化何謂神通變動何謂神足變動何謂諸
 力變動何謂娛樂何謂境界何謂十力何謂
 無畏何謂諸佛不共法者何謂爲業何謂菩
 薩身

普賢答曰善哉善哉快問此事開化一切爲
 將來施今所問者如日宮殿照於天下如夜
 月出普耀衆冥如入大海採諸明珠如醫合
 藥如飢求食如渴欲飲諸來會者諦聽諦聽
 咸言受教

普賢告曰菩薩有十事如夜顯明何謂爲十其意普周無數佛界心猶虛空見諸如來稽首歸命菩薩爾時其所遊步亦如初夜當成正覺又其菩薩從無量佛得聞經典受持諷誦專心思惟所解曠然轉更增加其意普徧十方無際又其菩薩於此佛土未曾終沒生

於他方而現其身常識佛法未曾忽忘又其菩薩以一法行解一切法漸爲衆人班宣經道以一切義入于一義又其菩薩除衆塵勞亦復能解滅衆愛欲亦復能知欲盛欲除所作堅固修菩薩行不於本際而造邪證諸度無極爲最第一其在本際曉了諦學善權方便具足本願所行究竟身不疲勞又其菩薩心入諸想無處非處而復講說處非處事亦無所作其所得者亦無所念開化衆生又其菩薩以一自然解一切法無有自然亦無若干亦復不少亦不稱量無色無想尚不得一何況多乎菩薩曉了此諸佛法菩薩法緣覺

法聲聞法凡夫法善惡法爲世法度世法罪法無罪法有漏無漏有爲無爲又其菩薩又諸佛世尊得道不得道無法衆生不廢所願開化衆生曉了諸法所以者何悉知他人黎庶心念所作因緣亦復明識教授訓誨使諸人民悉至滅度所願具足又其菩薩曉了能

還三

二

觀衆生心念解所歸趣善權方便隨時而現說法示律不離真正不從顛倒菩薩曉知諸法悉住等於三世本無不動立在本際不見衆生所可開化無化不化不從律教亦無行者分別歸趣法不可得生者滅者其所誓願終不虛妄於一切法永無所著又其菩薩見無央數諸佛世尊一一如來所說經典聞輒受持所行若干其名各異所念不同於彼諸劫一一分別諸劫本末至無數劫聞悉識念而不忽忘亦不迷謬諸如來等不可思議聞悉受持而無有二已身所行力願超異開化衆生令悉具成無上正真最正覺道得成所

願曉了法界是名曰十菩薩道修遊行如夜
顯明

菩薩有十事心如金剛志大乘鑑何謂爲十
不住於此亦無邊際菩薩發心解一切法於
三世事靡不通達是爲心如金剛被大德鑑
不可稱計一一毛孔普能莊嚴況復衆生一

切法界菩薩德鑑口自發言吾當滅度一切
衆生至於無上正真之道又佛世界無底無
邊不可稱限諸菩薩等發如此願吾當淨治
無上正真於諸佛界以是之故淨諸佛土又
諸衆生無底無際無齊無限若有菩薩勸諸
德本廣大如斯照諸衆生無上大乘諸佛世

遐一

三

尊無有齊限諸菩薩等所殖德本亦復如是
勸施衆生常見諸佛而復能逮無上正真之
道爲最正覺若有菩薩見諸佛聞說經心歡
悅不倚吾我不著如來不近如來身亦復不
遠不有不無不計所有亦無所有不計有身
無色相種好解如來體亦不令起亦不無起

不相非不相不有處所亦不無處不起如來
身亦無所壞以如來身入無所有於所行而
無所行所以者何皆受一切自然之數又諸
菩薩常加愍哀衆生之類斫頭斷其手脚割
其耳鼻挑其兩眼罵詈毀辱瓦石打擲杖踢
椶城唾濺調戲皆能忍之不起瞋恚亦不懷

恨顏色不變無央數劫修菩薩行未曾發心
遠捨一切又如菩薩於一切法學無二事以
學於此無餘瞋恨勤護羣黎忍一切苦衆惱
之患身遭毒痛悉亦忍之當來諸物無有邊
際亦無蔽礙住於信樂以如是比發菩薩意
當來至今究竟法界住虛空界皆於一一諸

佛世界行菩薩道開化衆生如一世界所可
造行十方佛土亦復如是度於法界盡虛空
界宿無所有不恐不畏亦不懷懼發於三世
造行如此所以者何菩薩大士所可遊居用
一切故奉菩薩行依菩薩心信於無上正真
之道志性清淨積衆德本具足誓願而於佛

道而得自在亦得由已從其所願欲成正覺
輒如意得所行無量而得究竟斷除一切五
陰諸受悉盡無餘其所行處依於諸佛不成
正覺所以者何具足所願備菩薩行開化眾
生護諸佛上又其菩薩不得諸佛不得道處
亦復不得諸菩薩處及一切眾生處所亦復

不得心意諸行亦復不得於去來今一切眾
生有為無為菩薩所行憚怕如是深妙巍巍
寂定閑靜悉無所得其行無二無所諍訟自
然若茲清淨解脫滅度若此修如本際心實
無虛所立誓願而不懈廢一切智心諸菩薩
行開化眾生諸度無極訓四民隨律奉敬諸佛

說法講義莊嚴世界於是精進無曾懈倦所
以者何大願所致如是比類知一切波如是
法相長無極哀功勳無量曉了慧義愍哀眾
生常解一切諸法号字如此愚癡凡夫不曉
了是不能解知諸法自然吾當開悟使達知
之所以者何一切眾生無寂然行由是諸佛

為說經典開化眾生與無極哀不捨大慈吾
等何故狀大哀乎而捨眾生設不得佛不備
經典不成大願施於眾生無上法施本初發
心淨諸羣黎立具誠誓設不能學大願正要
發心道門則為欺詐一切諸佛為一切故而
發道心殖眾德本而勸助之入深奧慧普得

周遍眾生形處而等其心以是之故具足大
願是為十事心如金剛被大乘鎧菩薩住此
疾成如來無極神通強如金剛

菩薩大勤有十事何謂為十吾當奉敬諸佛
供養自歸積累合集修諸菩薩眾德之本為
諸如來般泥洹後莊嚴神寺供養眾華名香

持香雜香塗香衣服幢蓋執持正法將護訓
誨開化一切諸眾生界勸發無上正真之道
不違雅律嚴淨一切諸佛國土安無上界又
復菩薩心自念言諸當來劫一一世界中有
一人未得度者及一切人故無所遺忘為斯
等故修菩薩行亦復如是與大悲哀立諸眾

生於佛正道歷若干難未曾須臾發疲懈心
常修佛法是諸佛世尊無央數劫來現其人
一一供養如來如供一佛奉諸如來等無殊
特是諸如來滅度之後無央數劫供養舍利
一切寶蓋諸鈴幢幡爲一一佛無數國土興
諸大廟圖畫形像所可立像周遍無量無思
議國夙夜精勤念頃不廢爲佛法藏奉諸佛
已開化衆生奉宣法教修正法已漸近大道
以是德本得成無上正真之道爲最正覺遵
一平等一切如來歸諸佛土成正覺已無央
數劫班宣經道遍諸佛界諸佛變化顯示神
足不可思議不以懈倦其身口心二亦不計
勞發其心時正向法門隨時奉佛修大志願
誘化衆生大慈爲首歸于大哀禮無相法住
誠信教具足諸法以爲造證一切無逆所作
事業無所諍訟去來今佛入于一義趣於法
界與空通同越無相法無成不成使至究竟
未曾患厭諸佛之法致無極願作佛本事誘

勸羣黎是爲菩薩十事於大懇懃菩薩住此
成於如來無上大慧

菩薩有十事能暢大精進何謂爲十奉敬一
切如來至真而自歸命請諸羣黎隨時將護
求諸佛法務大懇懃積衆德本不以勞倦興
隆聖典普使流布具足一切無極道願懇懃

志慕諸菩薩行常遇善友而從啓受普詣十
方見諸如來聽所說經入佛道場是爲十事
暢大精進

菩薩有十事信不可壞何謂爲十信十方佛
無有異心喜諸佛法未曾違捨愛樂聖衆不
生異心好喜菩薩不懷疑結與諸善友常同
俱合愍念衆生不捨羣黎一切奉行諸菩薩
願奉行開士衆行備足奉敬諸佛稽首歸命
開化衆生皆度脫之修於菩薩善權方便不
毀篤信是爲十事菩薩信不壞

菩薩有十事受決何謂爲十好喜篤信行受
已性行決修習道心懷來德本其行廣遠受

方等決目前受決或密受決心得自在至平等覺決遠得法忍然後受決開化衆生本末受決皆除一切妄想永盡能顯示現一切菩薩所行功勳爾乃受決是爲菩薩十事受決菩薩有十事勸助德本何謂爲十以此德本同一志願其所生處與善友俱常使如是莫令變異以此德本與諸善友所生同心莫令別異所生之處具足等願與善師俱以是善本所生之處與諸菩薩道合志同因斯福行世世所在明智者俱所在之處專惟一心不離聖達所在遊居常等情淨智者同心世世所生與諸善友德行合附於將來出入一平等與明師會以此福原與善師俱興義無壞是爲十事勸助德本

菩薩入聖心復有十事何謂爲十廣行布施得入於慧好喜一切諸佛道法遊諸如來入於無量中間之義皆以聞慧決衆疑結曉了義理能入聖慧分別一切如來至真口所宣

教篤信佛法現衆所有其力薄尠佛以與出德本無量好喜如來皆具經典清白之義其足一切諸菩薩行慧不可議發心之頃所入無限諸佛國土無能蔽礙解一念慧明解一切諸佛道事入衆法界聞佛說法皆能奉持入諸如來若干音聲是爲十事菩薩入慧

起三

七

菩薩有十事發其心時內廣無量何謂爲十發其心時廣其內志念無量佛入于衆生發心無限遊羣黎刹入於法界解知無二觀察諸法等如虛空而普瞻於諸菩薩行思惟三世一切諸佛入不可議罪稱報應觀諸佛土皆悉清淨普入一切諸佛道場亦皆觀察入諸如來音響文辭是爲十事菩薩普入中間內廣無量

菩薩復有十事藏何謂爲十數一切法修精進藏解知諸法悉無所生照明奉持諸佛經要班宣辯才諸法本末曉了隨時衆義無量悉不可獲普令目見諸佛神足所興變化而

以方便等御諸法常見諸佛未曾違遠識別善權不可思議諸幻惑想若見諸佛眾菩薩等欣然大悅逮致法藏是為菩薩十事藏也菩薩將護有十事何謂為十終不誹謗諸佛道法將護其意信大聖教未曾變悔入諸菩薩常懷恭恪見諸善友悉和其性而同其志不復習念一切聲聞緣覺之行將護菩薩章句履行未曾退轉慈愍眾生而不懷害究暢一切眾德之本降伏眾魔却諸外敵具足一切諸度無極是為十事菩薩將護菩薩自在有十事命得自在何謂為十計其所壽無央數劫而無窮極其心自遊所興定意入於聖慧不可計會其業自在遊諸佛界所嚴無量欲顯建立道場之義其業自恣示現隨時世間報應所生自遊現於十方諸佛世界意樂自在普見一切諸佛世界觀諸如來所願自恣所欲自在於何佛土成最正覺神足自遊皆能示現威神變化於法自縱普

能與顯示無央數諸內法門於慧自在如來十力四無所畏而數普現諸佛道場是為十事菩薩自在菩薩住此悉能具足諸度無極菩薩感動有十事何謂為十眾生變化隨罪福性嚴治國土各各不同經法變異隨時教化其身所在在所顯現所願自在造立道義

退三

所行自遊所入普遍造業聖慧以示一切神通變化靡不度脫神足變化無所不感修習威勢至十種力是為菩薩十事變化菩薩變化眾生有十事何謂為十演說眾生悉無所有一切羣黎因想而立為諸羣萌隨時說法化眾黎庶令棄自大一切人界護一履跡使得安隱無有燒害普能示現一切世界建立眾生諸眾生界顯現釋梵及四天王遊於黎庶隨時現身聲聞緣覺形像色貌亦復現形顯菩薩行解諸眾生境界所在靡不周達覺成普知一切道力色身相好若干莊嚴是為菩薩變化眾生

菩薩有十事國土嚴淨何謂爲十一切佛土
爲一佛土造立建業使諸佛國入一毛孔一
切佛界所入無盡一切佛境開通一義顯已
一行自見己身普入佛土一切佛國衆生之
類無能動者亦不恐怖又諸佛土一切莊嚴
現一佛國一國嚴淨遍諸佛土一切佛國則

一如來衆會道場一如來身遍諸衆生使諸
衆生入於微妙無極巍巍廣普深奧須邪平
正等他等御方面羅網報應悉遍無餘皆能
示現是爲十事也

菩薩有十事經法隨時何謂爲十御一切法
使入一法則以一法化一切法化衆生性使

不諍訟一切諸法皆令順入般若波羅蜜教
度彼岸一切諸法入於衆生捨諸法想使一
切法入於一義演無數劫不可盡教以一切
法入無央數百千法門見衆生心悉說本末
又一切法普門輪字曉了隨時一切諸法入
一法門無所諍訟宣無數劫義不可盡一切

諸法入諸佛道以化衆生一切佛法現無央
數諸內正教一切諸法悉入本際無量網內
現無數劫衆生盡耗是爲十事隨時也

菩薩有十事其身變化何謂爲十建立衆生
入於己身而得解脫亦以己身想衆生身而
建立之一切佛身入一佛身以一佛身入諸
佛身而示現之一切佛土建立己身而爲衆
生示現變化普取三世遍一法身一身定意
而修正受現若干身則以一身解正覺道現
無央數諸菩薩身以衆生身合爲一身以一
人身普現衆身以衆生身顯入法身亦以法
身現衆生身是爲十事其身變化

菩薩有十事變立所願何謂爲十取諸菩薩
願立已所誓諸佛正覺已願道力願諸菩薩
隨衆生根純淑所在使成無上正真之道爲
最正覺除無際劫意所貪願出於識身建立
慧身自在所願而現諸身而去己形具足顯
示彼具足身開化衆生勸進諸願以菩薩身

遍一切念諸行劫數而不斷絕履一力跡成
 最正覺因所力願周遍一切無數佛土皆現
 其身於一切形演一法句普周無餘一切法
 界興大法雲兩甘露味照以慧解暢真諦法
 以為雷震飽滿眾生成無極願法樂其足是
 為菩薩變立所願

菩薩化變復有十事何謂為十遵修法界則
 以示現在眾界樂行佛事而復普現在諸
 魔部菩薩行無為界而拔出生死行行一切
 智不捨菩薩之所遊業又存寂寞恬怕之業
 示在眾生忍忍勤學不俱為亂無進無怠無
 雙無隻無言無想無所有無所啓行如空等

返三

十

菩薩如是而復皆現在於眾生諸想顛倒發
 諸所行不與同塵淨修力行亦悉示現諸所
 行處曉知眾生事了本無人現在眾生而開
 化之修禪脫門神通三達之智現在十方諸
 佛土生成如來行備佛嚴淨現諸聲聞緣覺
 之乘威儀禮節無念之行是為菩薩十事化

變

菩薩有十事以慧變化何謂為十辯才無盡
 班宣道慧逮諸摠持演無量明辯才善解多
 所講說攝眾生根聖慧變化而度脫之以無
 為心觀他人意則以一心知眾志心念所
 行曉眾界志性結縛諸塵勞疾應病與藥

令得療除明解一時普能周達如來十力能
 入眾生三世之行有劫數無劫數悉而顯示
 而開化之其心閑靜永無蔽礙成最正覺遍
 度黎庶以一人慧而得自在觀察眾生知所
 造業善惡禍福以一種聲遍暢一切羣黎音
 響是為十事也

菩薩神通變有十事何謂為十則以一身遍
 現一切諸佛國土一如來會皆能同暢宣講
 菩薩諸佛道場以一心行開化一切諸修道
 行以一音聲普告十方諸佛世界眾生心念
 令得其所以一定心皆見羣黎無央數劫前
 世所行善惡禍福而度脫之則以神通莊嚴

返三

十一

一切諸佛國土亦以神通皆見三世等無差特而知一切諸佛菩薩所建立行演法光明而照耀之亦以神通見知一切諸天龍神捷杳和阿須輪迦留羅甄陀羅摩休勒釋梵四天王聲聞緣覺諸菩薩行如來十力菩薩德本無所不護菩薩平等寂諸音響則以平夷

等御衆生是為菩薩十神通變

菩薩神足變化有十事何謂為十無數世界入於一塵是神足變復以一塵遍諸法界現一佛土使諸海水入一毛孔曠諸法界入衆佛土令諸衆生無所燒害無量世界入於己身以神通慧普現所為不可思議諸鐵圍山及大鐵圍入一毛孔遊諸佛土令諸羣生不懷恐怖以無數劫示為一劫或現一日或以一劫現無數劫進退合成顯化衆生無所燒損現諸世界為水所災或復遭值水火災變欲使衆生察知非常神足所現而無燒害一切世界水火風空所合災變化為一切財產

諸業宮殿屋宅具足充滿則以神足現化衆生不可思議諸佛刹土舉著右掌移在無量諸佛世界無所損耗現諸佛土自然虛空以誨衆生是為菩薩十神足變

菩薩諸力變動亦有十事何謂為十力感衆生而開化之未曾違廢悉感諸國以無央數

莊嚴衆事而示現之法力變化一切諸身入於無身所化勢力劫數不斷佛力所變悟諸睡寐行力所感攝取一切諸菩薩行如來力教則能救濟衆生境界自在力教一切諸法達之自然成最正覺一切智力則以無餘諸通聖慧遠平等道大哀力變不捨衆生是為

菩薩十力變也興化衆生菩薩若遠此十力變則無礙速成無上正覺之道為最正覺發意之頃以得佛道不斷所行所以者何宣大誓願菩薩則成無量法門普現德本

菩薩娛樂有十事法何謂為十於斯菩薩以衆生身建立國體分別黎庶形之所趣是第

遊三

十二

一樂又復菩薩以土身像建立衆生不令國身而有損耗是第二樂又其菩薩隨時變現佛正覺身現諸聲聞身緣覺之身非常示現如來之業是第三樂又其菩薩示現聲聞緣覺佛身巍巍微妙不著三品法訓是第四樂又其菩薩示現行身最正覺身不著身行亦無所斷是第五樂也又其菩薩現正覺道身之所行不倚正覺是第六樂也又其菩薩現泥洹界倚於生死不著泥洹是第七樂也又其菩薩現習生死又現取滅度不於泥洹而求滅度是第八樂又其菩薩以常永定普示衆行往反周旋住立經行不捨三昧是第九樂又其菩薩從一如來聞說正法不見沒身護三昧定如來道場無央數事各各分別如當諸身其所住處身無所壞不亂三昧從諸如來聽所說法適聞法已則受奉行三昧正受不斷啓親經典之要與如來俱不見滅身一一三昧御諸行門入無數定以是比像皆

盡壞劫菩薩三昧未會窮極定意身門是爲第十娛樂菩薩住此速成如來無上慧樂菩薩境界有十事何謂爲十爲諸衆生而以顯示入無量門一切世界有無央數若干莊嚴開道於黎庶以衆生界御不身大說誨所部如來至真入菩薩身以菩薩身入如來身以

還三

十三

虛空界導諸佛土以諸佛土導虛空界以生死本現泥洹原以泥洹原現生死本以一人音宣諸佛法各入境界以無量門顯於一身則以一身建無數身後以一身遍諸法界衆生發心而以一智御無量門成最正覺是爲十事菩薩住此入於如來無上大慧菩薩有十力何謂爲十奉志性力不與諸世而俱同塵修清和力不著佛法應時之力普現菩薩方便處所以聖慧力知諸羣黎心念所行所誓願力皆能備通具足本願所行之力不斷本際所修乘力顯一切乘不捨大乘諸變化力一切佛與淨十方界一一顯示所

護履跡道義之力發衆生心不離正覺轉法輪力宣顯一法音無餘不餘音令無餘將御一切衆生根心是爲十力菩薩住此逮成無上普知十力

菩薩無畏有十事何謂爲十皆受一切得持諸音何況菩薩不作是念吾於東方南西北方來至於斯諸問百千無極要集儻不堪任受答是大法菩薩悉知不見不及以大無畏所度無極一切衆生諸來難問恣意聽之所欲啓問勇猛意說而無懈廢是一無畏於諸文字所演音辭次第如流承如來威無礙辯才所度無極其菩薩者不作是念東西南北

儻來難問不任發遣未曾有是不見不及勇猛無畏一切衆生恣意難問勇猛自在衣毛不豎是二無畏獨遊空法菩薩未曾心懷疑網計於吾我所作所更計壽命人以離五陰諸入邪見六十二疑其心普平等如虛空故無此念將無見試燒身口意菩薩無此不及

之見所以者何斯諸正士離吾我不現諸想遊步大勇堅固方便是三無畏又其菩薩佛所建立住於佛力而處如來威儀禮節亦無妄想不作是念衆人將無求吾長短威儀不備未曾有此不見不及而猛勇步處於大衆班宣經道是四無畏身口意淨又其菩薩

退三

十四

豈當復念蠲除惡行修學清淨仁和義乎亦無此念儻有求吾身口意缺以大勇猛爲諸衆生講說經道是五無畏以得大護其金剛神常執金剛在菩薩後天龍鬼神及阿須輪所見歸命釋梵四王咸共奉事諸佛所念故無此意畏於諸魔及諸魔天諸外異學迷或衆邪無能燒亂亦不見人當菩薩者以大勇猛所度無極勸意生焉皆能具足諸菩薩業是六無畏又其菩薩得佛慧念未曾忽忘諸根常定爲衆說法敷演聖句識佛道義其所宣法如佛口出無中蔽礙無能障翳不能發意見其短者奉如來教是七無畏菩薩明解

智慧善權力度無極進退獨步訓誨衆生無能拘制以佛道願無極聖性發無善惡哀愍於羣黎假使生在兇暴塵勞穢濁世界攝敢大欲所可娛樂眷屬大業教授衆生不與此念將無衆人毀謗清白佛道淨行斷絕定意脫門正受摠持辯才不見有是所以者何菩薩

大士於一切法而得自在無能制止所修道行其於十方無能犯者遵大勇猛處諸佛土兼捐衆惡而攝正願是八無畏菩薩不捨一切智心善住道義欣樂大乘以諸通慧所建之力為諸聲聞及緣覺乘現不可及威儀禮節不與此念將無誤墮聲聞緣覺以大勇猛

還三

十五

現一切乘所度無極唯樂大乘所行具足是九無畏菩薩善集諸清白法合衆德本普備神通所覺不廢以佛道度周菩薩行而究一切諸佛普智以化衆生不失正行不壞章句心不念言衆生將無諸根純淑吾明不及現佛境界未有此應以大勇猛觀衆生根為顯

佛地雖化衆生菩薩所行無極大願無有缺漏是十無畏菩薩住此悉逮如來四無所畏菩薩有十事諸佛法不共何謂為十菩薩精勤無所從生度干彼岸除慳喜施戒禁清淨不犯衆惡成具忍辱去衆懷恨修大精進所修正業未曾退還禪定堅固棄衆亂意從智

慧生遠惡邪見終無有言何謂無所從生常勤奉行六度無極是為菩薩第一無言菩薩之法曉度彼岸攝護衆生境界施以俗施及宣法施顏色和悅所說可度言辭清和衆人聞之心莫不悅義理應時明識佛道心無偏黨等念羣黎菩薩所修無所從生以無言辭

救濟羣萌所修境界是為菩薩第二法施菩薩所修曉了勸助不妄想報導入佛道不樂世俗所修定行不捨如來至真具聖慧用衆生故而勸助之無所說者則是菩薩無有言辭修諸德本求慕佛慧為衆生施是三無言菩薩之業有權方便第一之行隨衆生樂而不

穢狀世俗俱遊在諸不賢自恣行門一切聲聞緣覺所生一切黎庶皆開化之不求安已禪定三昧脫門正受曉了進退速自在定以不懈倦察於生死猶如天遊觀毀魔宮殿普現釋梵四天處所所生之處常有明曜見諸異學而悉達知一切世俗經書典籍文辭之

讚計校筭術己身六事王者典籍雕文刻鏤所假印綬五言巧辭娛樂音聲擗搗六博敢可天下自所觀者亦復曉了女人進正男子舉動豫說瑞應天文地理日月星辰所現災變度世之法聲聞緣覺未聞事者無不明了諸度世事獨步無侶一切天下咸共瞻仰顯

過三

十六

諸聲聞緣覺之乘所不能逮威儀禮節不捨大乘發意之頃知諸如來所示現行不斷經興菩薩所遵善權方便亦復無斷奉修寂然菩薩德本以慧娛樂獨得自在在於無為現生死門至無人際教化眾生未曾違廢與未憚怕在於眾生現大塵勞則以一品法慧之

身現於眾生無數之身無限之門猶如虛空以大智慧樂一切欲因化眾生樂一品樂現於三界開化眾生不離妄想諸玉女百千人中常以法樂而自娛樂以妙相好百千眾德而自莊嚴所生之處常無罪殃修清淨行現生地獄餓鬼畜生於佛道慧所度無極而

不動捨菩薩慧身其慧如是無有邊際以是比故悉解聲聞緣覺何況愚冥凡夫是五無言身口意行以慧為首菩薩所修行業甚淨具足慈心愍念眾生離於殺生盜竊婬泆妄言兩舌惡口綺語嫉妬恚癡邪見之事修正行見悉亦無言菩薩所行身口意業慧儻隨

時是為第六不捨眾生乃為菩薩奉無蓋哀觀眾生惱身陰遭患口自更歷與顯德本在於地獄餓鬼畜生為眾生故而被害痛不用懈狀化眾生界令懷欣然於一切欲所娛樂業不以經心常加精進欲度眾生毒苦諸痛亦不以諸菩薩所習唯志大哀道習道力是

過三

十七

為第七一切黎庶恭敬悅樂乃為菩薩釋梵四王皆共念之一切人民親悉欣喜羣萌思德不離心懷所以者何其菩薩者往昔宿命奉清淨行無有罪業是故眾人其未見者不知飽滿亦以無言是為第八其心堅固在諸通慧善被德鎧乃為菩薩所由甚難勤力習

行入諸聲聞緣覺之中一切智心寶淨明耀無所忘失猶大明珠名淨復淨清諸濁水正使浴池極穢取疵以淨明珠適著其中濁水則清不復同合菩薩如是正使與愚駭俱癡冥人共周旋未曾違失一切智心寶淨明耀無極智慧蠲除眾生邪見塵勞穢濁愛欲住

一切智寶淨明心亦以無言雖在惡人聲聞緣覺不廢大道是為第九已部界慧在法勢尊度于彼岸乃為菩薩慧得自在具足無餘為阿惟顏以被離垢著法冠幘帶道印緩不離善友之所教訓奉敬如來未曾輕慢亦以無言菩薩師者修未曾有開化眾生不捨聖

師常順如來謙恭自歸是為第十無言之教菩薩住此速成世尊無上無言

菩薩有十業何謂為十普淨世界莊嚴佛地興立一切諸佛道業以諸菩薩伴侶為首同共德本開道教誨眾生境界諸當來業攝未至本則以神足遍至十方諸佛境界雖遍十方不移本土以光明業演無量曜一一光明有諸蓮華現諸菩薩各坐其上不斷三寶佛滅度後奉宣訓誨無自大業遊十方界開化眾生以為說法使隨律教修八道業心在邪業則為彼等示現諸願普使備足是為十業菩薩住此速成如來無上道業

菩薩身有十事何謂為十菩薩當來解一切身悉無所成亦無所有菩薩身來如眾人民身不可得菩薩身者無有真諦隨其習俗示有所在菩薩身者無有能侵隨其力俗顯示真諦菩薩身者亦不可盡於當世際無所斷除其身堅固一切諸魔無能毀壞其身強要

